



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

N A C R T

Na osnovu Zakona o ravnopravnosti spolova u BiH - prečišćeni tekst („Službeni glasnik BiH“, broj 32/10), Zakonom o zabrani diskriminacije u BiH („Službeni glasnik BiH“, broj 59/09, 66/16.), GAP BiH za period 2018.-2022. godina („Službeni glasnik BiH“, broj 89/18.), Rješenja općinskog načelnika 03-45-2-474/20 od 29.01.2020.godine o imenovanju tima za izradu Gender akcionog plana te člana 14. Statuta Općine Tešanj ("Službene glasnik Općine Tešanj", broj: 11/07), Općinsko vijeće Općine Tešanj, na svojoj redovnoj sjednici održanoj, dana, _____ 2020.g., d o n o s i

O D L U K U
o usvajanju Gender akcionog plana općine Tešanj 2020-2023

Član 1.

Usvaja se Nacrt Gender akcioni plan općine Tešanj 2020-2023 kao temeljni dokument u radu Općine Tešanj iz oblasti ravnopravnosti spolova.

Sastavni dio ove Odluke je tekst Gender akcionog plana općine Tešanj 2020-2023 sa definisanim strateškim ciljevima i aktivnostima za navedeni period.

Član 2.

O usvojenom Nacrtu Gender akcionog plana općine Tešanj 2020-2023 provest će se javna rasprava u periodu 16.11.2020-15.12.2020.godine.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI
OPĆINSKOG VIJEĆA:
SENAD Subašić, dipl.ecc.**

O b r a z l o Ź e n j e

PRAVNI OSNOV:

Član 14. Statuta Općine Tešanj ("Službeni glasnik Općine Tešanj", broj: 11/07), a u vezi sa Zakonom o ravnopravnosti spolova u BiH - prečišćeni tekst („Službeni glasnik BiH“, broj 32/10), Zakonom o zabrani diskriminacije u BiH („Službeni glasnik BiH“, broj 59/09, 66/16.), i GAP BiH za period 2018.-2022. godina („Službeni glasnik BiH“, broj 89/18.).

RAZLOZI DONOŠENJA:

Općina Tešanj je u sklopu učešća u projektu "Žene na izborima" koji finansira Vlada Švedske a implementira razvojni program UNDP, te drugim projektima kao što su "Jačanje uloge MZ u BiH" i "MEG projektu", a vršeći konstantne analize i ocjene uspješnosti lokalne Uprave utvrdila da nam nedostaje dokument koji garantuje ravnopravnost spolova na području ove jedinice lokalne samouprave te se opredjelila za njegovu izradu.

U sklopu učešća u projektu "Žene na izborima", realizovan je niz sastanaka i edukacija koje su za cilj imale izradu GAP Općina partnera na projektu a značajno učešće u istim ispred Općine Tešanj, pored imenovanog koordinatora projekta, uzeli su članovi Komisije OV Tešanj za pitanja mladih i ravnopravnost spolova. Projekat "Žene na izborima" UNDP je imenovao konsultanticu koja je općinskim timovima pružila potrebnu pomoć pri izradi LGAPa.

Općinski načelnik je svojim Rješenjem imenovao tim koji je imao Zadatak: da izvrši prikupljanje, obradu i dostavu raspoloživih podataka na potrebne adrese, izvrši analizu svih podataka i identifikuje prioritetna pitanja koja treba adresirati Gender akcionim planom, Provodi konsultacije sa zainteresiranim stranama na području općine Tešanj, u saradnji sa konsultanticom Izradi nacrt LGAP i slanje jedinicama lokalne samouprave na komentare i Finalizacija LGAP koji treba da bude objektivian i izvodiv te omogućiti mjerljivost realizacije.

Planirano je da se posao završi do 31.03.2020.godine ali je zbog pandemije virusa COVID 19 ovaj proces prekinut i nastavljen početkom maja mjeseca, kada su svakom od članova dodijeljena konkretna zaduženja i rokovi.

Radni tim od 13 članova koji je posljednja 3 mjeseca intenzivno radio i odredio nekoliko najvažnijih strateških ciljeva na kojima bi trebalo raditi do 2023. Ovaj dokument je od velike važnosti, jer se njime osigurava koordinirano i usmjereno djelovanje kako Općinskih službi tako i Općinskog Vijeća i Komisije za ravnopravnost spolova.

Prema Zakonu o ravnopravnosti spolova u Bosni i Hercegovini obaveza svakog nivoa vlasti se sastoji od sljedećih segmenata: a) analizu stanja spolova u određenoj oblasti; b) implementaciju donesenih državnih politika kroz akcione planove za ravnopravnost spolova; c) mjere za otklanjanje uočene neravnopravnosti spolova u određenoj oblasti. U saradnji sa konsultanticom Radni tim je ispoštovao definisane korake za donošenje ovog dokumenta.

Metodologija izrade Gender akcionog plana Općine Tešanj bazirana na pristupu Evropske povelja za ravnopravnost žena i muškaraca na lokalnom nivou kao i Priručniku za ostvarivanje ravnopravnosti spolova na lokalnom nivou koji je izdao Gender Centar Vlade FBIH.

Usvajanjem ove Odluke i LGAPa općine Tešanj 2020-2023-nacrt koji je u Prilogu, stvaraju se povoljniji uslovi za apliciranje općine Tešanj projektima koje raspisuje međunarodne organizacije. Kako je prijedlog ove Odluke osnovan predlažem isti na usvajanje.

O B R A Ā I V A Ā :

POMOĆNIK OPĆINSKOG NAČELNIKA:

Služba za društvene djelatnosti i investicije
Azra Muslija, dipl. pravnik

P R E D L A G A Ā :

OPĆINSKI NAČELNIK:

OPĆINE TEŠANJ

Mr.sci. SUAD Huskić

Broj: 03-45-2-474-5/20.

Dana, 22.09.2020.godine